



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatio Synoptica De Iudiciis Ad Lib: II. Decretal:  
Gregorii IX.**

**Herberstein, Ferdinand von  
Tabarelli de Fatis, Donato Vincenzo**

**Spirens., 1660**

2.

**urn:nbn:de:hbz:466:1-11416**

communi, neque Pontificiis constitutionibus repugnant oportet; Colligitur ex *cap. 1. & 2. de Reliq. & Ven. Sanct.* sed neque de gravioribus rebus inconsulto Pontifice constitutiones condere poterunt Episcopi, ut sunt, quæ ad universalem Ecclesiam ex se pertinent, qualis est v. g. Canonizatio Sanctorum, definitio veritatis, fidei, revocatio privilegii universalis, translatio, unio & divisio Episcopatum; *cap. 1. de Transl. Episcopi.* quamvis in necessitate circa casum aliquem particularem in Jure communi dispensare possint: *Salas. disp. 8. de leg. sect: 6. n. 40.* cæterum licet ad condendas leges Cleri aut Capituli consensu non egeant, bene tamen pro alienandis Ecclesiæ rebus *cap. quantum de his que fiunt sine consensu Capituli à Prelato & pro statuendis festis consensus Cleri aut etiam populi requiritur cap. ultimo de ferijs.* ex quibus casibus non esse desumendum argumentum ad alios casus docet *Panormitanus de off. delegati.*

2. Archiepiscopi in Concilio Provinciali, Cardinales in Ecclesiis sui tituli, Abbates exempti, aliique Prælati Jurisdictionem

nem quasi Episcopalem habentes, possunt  
 statuta edere in suis territoriis tantum ob-  
 ligatura *Salas de leg: tota ferè disp. 8.* Præte-  
 rea Concilium Generale & Oecumeni-  
 cum. Authoritate Pontificiâ congrega-  
 tum potest quidem leges condere, non ta-  
 men ligantes universam Ecclesiam quo-  
 adusque Pontifex assensum præbeat aut  
 eas confirmet, neq; enim ullibi reperitur  
 tam ampla potestas concessa, sed potius  
 ex praxi constat, omnia Concilia Genera-  
 lia, à Pontifice suorum decretorum con-  
 firmationem petere consuevisse, ut fecit  
*Tridentinum sess. 25. de Reformat: in fine.* Por-  
 rò à concilio, cui Pontifex assistit, appella-  
 tio dari non potest; *colligitur ex Sebast:  
 de Medices de leg. 1. p. q. 19.* secus si non assi-  
 stat. *Can. cuncta 9. q. 3.* Concilium Pro-  
 vinciale & Synodus Diœcesana statuta  
 sua pariter condit, ast intra suos limites.  
*colligitur ex Can. Catholica dist: 11. & Can.  
 placuit 12. q. 2.* Capitulum Cathedralis Ec-  
 celsiæ vacante sede Episcopi, potest qui-  
 dem pro tota diœcesi statuta condere,  
 sed duratura dum revocentur à successo-  
 re *Felin: cap. cum omnes de constit. num: 9.*

eoque vivente in gravioribus secluso eius consensu non potest *cap. cum consuetudinis 9. de consuet.* spectato jure communi, seclusisq; specialibus privilegiis & consuetudinibus: *Suarius lib: 4. cap. 6. num. 14. & seq:* quamvis possint Capitulares inter se convenientes statuta facere spectantia ad ordinem & bonum regimen Capituli; v. g. de iis, quæ ad administrationem reddituum spectant, quomodo congregandum sit Capitulum &c. *Suarius loco cit. arg: cap. cum omnes de constit:* Deniq; inferiores communitates, Ecclesiæ collegiatæ leges ferre possunt. *Innocentius in cap. cum accessissent, num: 2. de constit.*

3. Dicta Sanctorum Patrum quatenus subindè testificantur Sancti de præcepto Christi, Apostolorum vel Ecclesiæ, et si fidem faciant præceptis, & ut sic testes sint præcepti, non tamen ideò Authores & Legislatores censendi sunt, cùm de potestate legislativa illis concessa non constet. *Vt habet Gl: dist. 20. in principio Panormit: in cap. ne inimitaris de constit:* Sed neque ex eo vim legis habent, quod decreto Gratiani sint inserta *Gl: cap. 1. de rebus Ecclesiæ non alienan-*